

BOSNA I HERCEGOVINA FEDERACIJA BOSNE I HERCEGOVINE FEDERALNA UPRAVA ZA INSPEKCIJSKE POSLOVE	BOSNIA AND HERZEGOVINA FEDERATION OF BOSNIA AND HERZEGOVINA FEDERAL DEPARTMENT FOR INSPECTION AFFAIRS	БОСНА И ХЕРЦЕГОВИНА ФЕДЕРАЦИЈА БОСНЕ И ХЕРЦЕГОВИНЕ ФЕДЕРАЛНА УПРАВА ЗА ИНСПЕКЦИЈСКЕ ПОСЛОВЕ
Fehima efendije Čurčića br.6. 71000 Sarajevo		Id broj: 4201159630005

Broj:01-04-6-05444-5/2020

Datum: 17.12.2020.godine

Na osnovu člana 64. stav (1) tačka b) i člana 70. st. (1), (3) i (6), a u vezi sa čl. 21. tačka a) i čl. 28. Zakona o javnim nabavkama Bosne i Hercegovine, („Službeni glasnik BiH“, broj 39/14), nakon razmatranja Preporuke Komisije za javne nabavke 01-04-6-05444-4/2020 od 16.12.2020. godine, Direktor Federalne uprave za inspekcijske poslove, u ime ugovornog organa donosi

O D L U K U

o izboru najpovoljnijeg ponuđača i dodjeli ugovora za nabavku usluga zbrinjavanja na okolišno prihvatljiv način 414 tona neopasnog otpada ključnog broja 19 12 08 – tekstil

Član 1.

Ugovor o nabavci usluga zbrinjavanja na okolišno prihvatljiv način 414 tona neopasnog otpada ključnog broja 19 12 08 – tekstil, dodjeljuje se ponuđaču „Kemeko-BH“ d.o.o. Lukavac, sa ukupnom ponudenom cijenom od 153.180,00 KM bez PDV-a, shodno konačnoj ponudi broj 865-65/20 od 15.12.2020. godine.

Član 2.

Ugovor sa ponuđačem iz člana 1. ove odluke će se zaključiti pod slijedećim uslovima:

- ukupna cijena bez PDV-a: 153.180,00 KM;
- ukupna cijena sa PDV-om: 179.220,60 KM;
- jedinična cijena po toni otpadnog materijala iznosi 370,00 KM bez PDV-a;
- rok izvršenja usluga je 120 (stotinuidvadeset) dana od dana uvođenja ponuđača u posao;
- plaćanje izvršenih usluga će se izvršiti u roku od 10 (deset) dana od dana prijema fakture;
- ugovor će se zaključiti na period do izvršenja predmeta ugovora.

Član 3.

U skladu sa članom 45. Zakona o javnim nabavkama BiH i tačkom 3.4. Tenderske dokumentacije, ponuđač „Kemeko-BH“ d.o.o. Lukavac je dužan ugovornom organu u roku od 5 (pet) dana od dana prijema ove odluke dostaviti:

- dokaze izdate od strane nadležnih organa, kojim dokazuje da ispunjava uvjete u pogledu lične sposobnosti (član 45. stav (1) tačke a) do d) Zakona o javnim nabavkama Bosne i Hercegovine),

Dokumenti čije se dostavljanje zahtjeva prethodnim stavovima ovog člana moraju biti originali ili ovjerene kopije i ne mogu biti stariji od 3 (tri) mjeseca računajući od dana dostavljanja ponude.

Ukoliko odabrani ponuđač ne dostavi naprijed tražene dokaze u ostavljenom roku, njegova ponuda će biti odbačena u skladu sa članom 45. stav (1) Zakona o javnim nabavkama BiH.

Član 4.

Izabrani ponuđač je dužan da u roku od 5 (pet) dana od dana potpisivanja ugovora dostavi безусловnu bankarsku garanciju za uredno izvršenje ugovora. Iznos garancije za uredno izvršenje ugovora je 10% (deset procenata) od vrijednosti ugovora bez uračunatog PDV-a.

Garancija iz prethodnog stava ovog člana se izdaje sa rokom važenja: rok izvršenja usluge (120 kalendarskih dana) plus 30 dana. U slučaju da izabrani ponuđač ne dostavi garanciju za uredno izvršenje ugovora u skladu sa

uslovima iz tenderske dokumentacije i u roku koji je odredio ugovorni organ, zaključeni ugovor će se shodno odredbi člana 72. st. (4) ZJN smatrati apsolutno ništavim.

Član 5.

U skladu sa članom 70. stav (6) Zakona o javnim nabavkama Bosne i Hercegovine, ova odluka će se objaviti na web stranici Federalne uprave za inspeksijske poslove.

O b r a z l o ž e n j e

Vlada Federacije BiH je na svojoj 233. sjednici održanoj dana 28.8.2020. godine razmatrala informaciju Federalnog ministarstva okoliša i turizma o uvozu 414 tona neopasnog otpada ključnog broj: 19 12 08-tekstil od strane pravne osobe „Krom reciklaža“ d.o.o. Drvar iz Republike Italije u Bosnu i Hercegovinu/Federaciju Bosne i Hercegovine, i istu je Zaključkom V. broj 1123/2020 od 28.8.2020. godine primila na znanje.

Tačkom 2. Zaključka zadužen je Fond za zaštitu okoliša Federacije BiH da obezbjedi novčana sredstva, a Federalna uprava za inspeksijske poslove da pokrene proceduru zbrinjavanja na okolišno prihvatljiv način 414 tona otpada u roku od 30 dana od dana stupanja na snagu zaključka. Nabavka predmetnih usluga nije predviđena Planom nabavki Federalne uprave za inspeksijske poslove za 2020. godinu, a novčana sredstva za realizaciju nabavke će biti obezbjeđena od strane Fonda za zaštitu okoliša Federacije BiH, shodno tački 2. Zaključka Vlade Federacije Bosne i Hercegovine V. broj: 1123/2020 od 28.8.2020. godine.

Shodno navedenom, direktor Federalne uprave za inspeksijske poslove je svojom odlukom broj 01-04-6-04425/2020 od 24.9.2020. godine, pokrenuo otvoreni postupak uz primjenu e-aukcije za nabavku predmetnih usluga. U ostavljenom roku je zaprimljena samo jedna ponuda, i to ona koju je dostavio ponuđač „Kemis-BH“ d.o.o. Lukavac. Nakon izvršene evaluacije pristigle ponude komisija za provođenje postupka javne nabavke je konstatovala da navedeni ponuđač ispunjava formalne uvjete, odnosno da je isti kvalifikovan, međutim utvrđeno je da je ponuđena cijena od 165.600,00 KM značajno veća od procijenjene vrijednosti nabavke, te da je ista sa aspekta cijene neprihvatljiva. Slijedom navedene čijenice komisija je direktoru Uprave dostavila preporuku da donese odluku o poništenju otvorenog postupka, koja je od strane direktora prihvaćena, te je donio odluku o poništenju otvorenog postupka broj 01-04-6-04425-3/2020 od 12.11.2020. godine.

Članom 21. tačka a) Zakona o javnim nabavkama BiH je propisano da: „*ugovorni orgn izuzetno može ugovor o nabavci dodjeljivati putem pregovaračkog posuptka bez objave obavještenja o nabavci u slijedećim slučajevima: a) kada nijedna ponuda ili nijedna prihvatljiva ponuda nije dostavljena u otvorenom ili ograničenom postupku i kada uslovi za ugovor nisu bitno promijenjeni u odnosu na uslove iz prethodnog postupka*“. Obzirom da je dakle u prethodnom otvorenom postupku bilo objavljeno obavještenje o nabavci i da se na isto javio samo jedan ponuđač čija ponuda je sa aspekta cijene ocijenjena neprihvatljivom, ponavljanje postupka ponovnim objavljivanjem obavještanja o nabavci ne bi bilo svrsishodno. Isto tako uslovi za ugovor u odnosu na uslove iz prethodnog postupka ostali su isti, čime su bile ispunjene sve zakonske pretpostavke za provođenje pregovaračkog postupka bez objave obavještenja o nabavci.

Imajući u vidu naprijed navedeno, direktor Uprave je odlukom broj 01-04-6-05444/2020 od 26.11.2020. godine pokrenuo pregovarački postupak bez objave obavještenja za nabavku usluga zbrinjavanja predmetnog neopasnog otpada. Poziv za dostavljanje zahtjeva za učešće u postupku i početne ponude je upućen ponuđaču „Kemeko – BH“ d.o.o. Lukavac. Bitno je naglasiti da se radi istom ponuđaču koji je dostavio ponudu u poništenom otvorenom postupku „Kemis – BH“ d.o.o. Lukavac, koji je u međuvremenu promijenio naziv i u sudskom registru je sada upisan pod nazivom „Kemeko-BH“ d.o.o. Lukavac. Istovremeno sa slanjem poziva za dostavljanje zahtjeva za učešće i početne ponude, tenderska dokumentacija ja objavljena na internet stranici Federalne uprave za inspeksijske poslove u skladu sa članom 28. stav (4) Zakona o javnim nabavkama BiH, čime je ista učinjena dostupnom svim zainteresiranim kandidatima/ponuđačima.

U ostavljenom roku, ponuđač „Kemeko-BH“ d.o.o. Lukavac je dostavio zahtjev za učešće u postupku i početnu ponudu, koje je komisija na nejavnom sastanku otvorila, te je tom prilikom konstatovano da ponuđač ispunjava

Sarajevo, Fehima ef. Čurčića br.6, Tel: ++387 33 563 360, Fax: +387 33 563 361

uvjete utvrđene tenderskom dokumentacijom, a da ukupna cijena početne ponude iznosi 165.600,00 KM. Komisija je također konstatovala da nije bilo blagovremenih ponuda drugih ponuđača.

U daljem toku postupka komisija je uputila poziv na pregovore ponuđaču „Kemeko – BH“ d.o.o. Lukavac, čiji ovlašteni predstavnik se odazvao na iste, te su dana 14.12.2020. godine održani pregovori u kojima se pregovaralo o tehničkim, ekonomskim, pravnim i drugima aspektima ugovora. Tom prilikom je prihvaćen zahtjev ponuđača da se rok za izvršenje ugovora produži na 120 dana u odnosu na 90 dana koliko je utvrđeno tenderskom dokumentacijom, za što je predstavnik ponuđača iznio prihvatljivu argumentaciju.

U dijelu pregovora na kojima se pregovaralo o ponudenoj cijeni, komisija je insistirala na umanjenju iste, te je ovlašteni predstavnik ponuđača nakon prvobitno ponuđenog umanjenja od 5% prihvatio dalji zahtjev komisije i cijenu umanjio za 7,50%, te je na taj način utvrđena konačna cijena ponude u iznosu od 153.180,00 KM (bez PDV-a), što predstavlja umanjenje od 12.420,00 KM u odnosu na početnu cijenu ponude od 165.600,00 KM. Isto tako je utvrđeno da je ponuđena početna cijena umanjena sa 400,00 KM na 370,00 KM po toni otpada. O provedenom postupku pregovaranja je sačinjen zapisnik broj 01-04-6-05444-3/2020 od 14.12.2020. godine, koji je potpisan od strane prisutnih članova komisije i ovlaštenog predstavnika ponuđača.

Ponuđač „Kemeko – BH“ d.o.o. Lukavac je u ostavljenom roku dostavio konačnu ponudu, nakon čijeg razmatranja je komisija konstatovala da je ista u potpunosti u skladu sa cijenom utvrđenom u postupku pregovaranja, te je direktoru Uprave dostavila preporuku broj 01-04-6-05444-4/2020 kojom je predloženo da se ugovor o nabavci usluga zbrinjavanja neopasnog otpada dodijeli navedenom ponuđaču.

Prilikom razmatranja dostavljene preporuke Direktor Federalne uprave za inspekcijske poslove nije našao razloge, nepravilnosti niti propuste u radu koji bi eventualno predstavljali osnov za neprihvatanje preporuke komisije za javne nabavke, te je odlučio kao u dispozitivu.

Pouka o pravnom lijeku: Protiv ove odluke može se izjaviti žalba ugovornom organu u pismenoj formi u roku od 10 (deset) dana od dana prijema iste.


DIREKTOR

Anis Ajdinović

Dostaviti:

1. „Kemeko-BH“ d.o.o. Lukavac, Puračić Lukavac, Purče bosanskog bb, 75305 Puračić Lukavac
2. Federalno ministarstvo okoliša i turizma, Hamdije Čemerlića broj 2, 71000 Sarajevo
3. Fond za zaštitu okoliša F BiH, Hamdije Čemerlića 39A, 71000 Sarajevo
- ④ Sektor za materijalno-finansijske poslove
5. Komsija za javne nabavke (a/a).